

ex alterius cuiuscumque personae seu per liberam dicti Georgii aut alterius cuiuscumque de illa — factam resignationem vacet — ipsaque capellania — reservata existat et super ea inter aliquos lis — pendeat indecisa — tibi — conferimus et de illa etiam providemus decernentes prout est irritum et inane, si secus super his a quoquam — attemptatum forsitan est haecenus vel in posterum contigerit attemptari. Et nihilominus venerabili fratri archiepiscopo Beneventano et dilectis filiis praeposito ecclesiae Misnensis ac officiali Merseburgensi — mandamus, quatenus ipsi etc. Nulli ergo etc. Si quis autem etc. Datum Romae apud s. Petrum anno dom. inc. M.CCCC.LXIII. tertio decimo Kal. Novembris pont. nostri anno sexto.

Ex Reg. Orig. Pii PP. II. ann. VI. Tom. XXVIII. fol. 90 im Vatican. Archiv.

No. 1066. [1463.] 13. Dec.

B. Dietrich versichert dem apost. Legaten Rudolf B. von Lavant dessen Anordnungen genau befolgen und auch andere dazu anregen zu wollen, bittet aber hinsichtlich dieser um einige Nachsicht, sowie den gegen seinen Bruder und Amtsvorgänger ausgestreuten Verläumdungen kein Gehör zu geben.

Legato Lavantino Theodoricus episcopus Misnensis salutem in domino etc. Reverende pater, cupidus semper fui, ut fierent et persequerentur, quae gloriam sanctissimi domini nostri, sanctam romanam ecclesiam et christiani populi publicam concernunt utilitatem, ideo pridie v. r. p. literas, in quibus hortatur, ut populus meae ditionis ad parendum apostolicis et vestris praeceptis instruatur, grato animo suscepi. In hac re pro debito meo summo pontifici et vestrae legationi non deficiam; tenebo modum, ut ad mei praesentiam hi se exhibeant, quorum interest, et in hoc negotio gratificaturi sunt. Etiam pro posse meo una cum domino et magistro Henrico Leubing prothonotario et ecclesiae meae decano conduxì et conducere temptabo, ut reliqui praesules atque principes apostolicae sedi et dicto domino nostro se conforment et exequantur, quae catholicos merito decet principes, nec non apud magistratus et consulatus meae ditionis, ad quos forsitan vestra mandata iam pervenerunt. Placeat igitur v. r. p. cum talibus habere patientiam ad tempus non longum, et processum vestrum pro summa prudentia vestra aliquali mansuetudine temperare confidimus, quod id ipsum autoritate seu potentia uti per illum, qui hac de re ad vos iturus est, citius plenius docebitur r. p. v., nec non moveat eandem paternitatem vestram id, quod quidam stolidi virtutis rerum gestarum ignari felicis recommendationis germani mei episcopi Misnensis proxime defuncti et non valentis respondere, gloriam eius lacerare ausi sunt quem si rebus istis interfuisset opportune paternitati vestrae egisse ea nequaquam ambigo. Datum Misnae die XIII. mensis Decembris.

Nach einer mangelhaften Abschrift in Ursinus dipl. Misn. I. 463 aus dem liber Theodor. fol. 453.